



**Broj: 0101-1975-6/18**

**Sarajevo, 19. 05. 2018. godine**

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka za nabavku Usluge-Unapređenje integralnog informacionog sistema EMIS za potrebe Univerziteta u Sarajevu, na preporuku Komisije za provođenje postupka nabavke broj: 0101-1975-5/18 od 17. 05. 2018. godine, rektor Univerziteta u Sarajevu je d o n i o

### **ODLUKU**

#### **o izboru najpovoljnijeg ponuđača i dodjeli ugovora**

##### **Član 1.**

Prihvata se preporuka Komisije za provođenje postupka nabavke broj: 0101-1975-5/18 od 17. 05. 2018. godine i ugovor o javnoj nabavci Usluge-Unapređenje integralnog informacionog sistema EMIS, dodjeljuje ponuđaču Orbicode d. o. o. Musala 1, 71000 Sarajevo, čija ukupna cijena ponude iznosi 154.000,00 KM bez PDV-a (slovima: jednastotinapedesetčetirihiljade KM i 00/100), što sa uračunatim PDV-om iznosi 180.180,00 KM sa PDV-om (slovima: jednastotinaosamdesethiljadai stotinuosamdeset KM i 00/100), iz razloga što je u otvorenom postupku, ponudio ekonomski najpovoljniju ponudu u skladu sa članom 64. stav (1) tačka a) Zakona o javnim nabavkama BiH.

##### **Član 2.**

U Tački 11. Zapisnika o pregledu i ocjeni ponuda broj: 0101-1975-5/18 od 17. 05. 2018. godine, koji se nalazi u prilogu ove Odluke, Komisija za javnu nabavku konstatuje da je ponuđač Orbicode d. o. o. Musala 1, 71000 Sarajevo, u ponudi dostavio i ovjerene kopije svih dokaza o kvalificiranosti, traženih tačkom 13.1. i 13.3. Tenderske dokumentacije, pa izabrani ponuđač, nema obavezu naknadnog dostavljanja originala ili ovjerenih kopija traženih dokaza.

##### **Član 3.**

Ova Odluka će biti objavljena na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

### **O b r a z l o ž e n j e**

Na osnovu Odluke o pokretanju postupka javne nabavke broj: 0101-1975-1/18 od 20. 04. 2018. godine, Univerzitet u Sarajevu je pokrenuo otvoreni postupak za javnu nabavku Usluge-Unapređenje integralnog informacionog sistema EMIS.

Za provođenje postupka javne nabavke Odlukom broj: 0101-1975-2/18 od 20. 04. 2018. godine imenovan je predsjedavajući, zamjenski predsjedavajući, članovi i zamjenski članovi Komisije za provođenje postupka javne nabavke.

Obavještenje o nabavci broj: 999-1-2-54-3-26/18 objavljeno je na Portalu javnih nabavki dana 26. 04. 2018. godine.

Istog dana, na Portalu javnih nabavki objavljena je i Tenderska dokumentacija broj: 0101-1975-3/18.

Sažetak Obavještenja o nabavci broj: 999-1-2-54-3-26/18 objavljen je u "Službenom glasniku BiH" broj 28 od 04. 05. 2018. godine.

Iz Izvještaja o preuzimanju tenderske dokumentacije od strane potencijalnih ponuđača, preuzetog sa Portala javnih nabavki dana 17. 05. 2018. godine u 10,05 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: ekapija d.o.o.; Logit d.o.o. Sarajevo; BBS Europe Istočno Sarajevo; EMADO d.o.o. Sarajevo; ATIA d.o.o. Ilidža; PING d.o.o. Sarajevo; Visual Impact d.o.o. Beograd; LANACO d.o.o. Banja Luka; A-NET d.o.o. Zenica; AVACOM GROUP d.o.o. Mostar; "Es Soft" OD Tuzla; Roaming Networks d.o.o. Banja Luka; Gransy s.r.o. Prague; PAGE d.o.o. Istočno Sarajevo; OliveBH Sarajevo; QSS d.o.o. Sarajevo i Orbicode d.o.o. Vrbanjuša 45a, Sarajevo.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, preuzetog sa Portala javnih nabavki dana 17. 05. 2018. godine u 10,07 sati, vidljivo je da u periodu koji je ostavljen za dostavljanje ponuda, od strane potencijalnih ponuđača, nije bilo postavljenih pitanja i zahtjeva za pojašnjenje tenderske dokumentacije.

Na tendersku dokumentaciju nije bilo žalbe od strane potencijalnih ponuđača.

Iz Zapisnika o otvaranju ponuda je vidljivo da je dana 17. 05. 2018. godine u 10,15 sati Komisija za provođenje postupka nabavke, izvršila javno otvaranje blagovremeno prispjele ponude slijedećeg ponuđača:

R. br.	Naziv i sjedište ponuđača	Broj prijemnog protokola	Datum i vrijeme prijema ponude
1.	Orbicode d. o. o. Musala 1, 71000 Sarajevo	0105-3096/18	17. 05. 2018. godine u 09,15 sati

Na javnom otvaranju ponuda je bio prisutan predstavnik ponuđača Orbicode d. o. o. Musala 1, Sarajevo: Sanel Salkić, po ovlaštenju broj: 032-SWD-18 od 17. 05. 2018. godine.

Zapisnik o otvaranju ponuda, je sačinjen istog dana i uz potpis dostavljen lično predstavniku ponuđača Orbicode d. o. o. Musala 1, Sarajevo.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika o otvaranju ponuda je vidljivo da je sačinjen sažetak ponude primljene u roku (kriterij za dodjelu ugovora ekonomski najpovoljnija ponuda).

Iz Zapisnika Komisije je vidljivo da Komisija za javnu nabavku nije imala nejasnoća u ponudi ponuđača, niti je bilo grešaka u dostavljenoj ponudi.

Komisija je u Zapisniku evidentirala da se sastala odmah poslije javnog otvaranja ponuda dana 17. 05. 2018. godine i pristupila pregledu i ocjeni ponude, odnosno da provjeri da li je ponuđač ispunio uslove iz člana 45. do 50. Zakona o javnim nabavkama, koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za vršenje predmetne usluge.

U Zapisniku Komisije je konstatovano da je ponuđač Orbicode d. o. o. Musala 1, 71000 Sarajevo dostavio Potvrdu Vanjskotrgovinske komore Bosne i Hercegovine o ispunjavanju uslova za primjenu preferencijalnog tretmana domaćeg, odnosno da usluge-Unapređenja integralnog informacionog sistema EMIS, koje obavlja ponuđač Orbicode d. o. o. Musala 1, 71000 Sarajevo zadovoljavaju uvjete za izdavanje certifikata o bh porijeklu. S obzirom da je u predmetnom postupku dostavljena samo jedna ponuda, nije bilo mogućnosti poređenja ponuda.

Nakon pregleda i ocjene ponude, Komisija za provođenje postupka nabavke je utvrdila da ponuđač Orbicode d. o. o. Musala 1, 71000 Sarajevo ispunjava sve uslove za kvalifikaciju tražene Tenderskom dokumentacijom, što je detaljno konstatovano u Tački 10. Zapisnika o pregledu i ocjeni ponuda, pa je Komisija ponudu ponuđača Orbicode d. o. o. Musala 1, 71000 Sarajevo ocijenila kao prihvatljivu, odnosno tehnički zadovoljavajuću, s obzirom da je ispunio sve uslove za učešće propisane članom 45. do 50. Zakona o javnim nabavkama BiH, te sve minimalne uslove koji su utvrđeni Tenderskom dokumentacijom.

Iz zapisnika Komisije za javnu nabavku je vidljivo da je Komisija provjerila računsku ispravnost dostavljene ponude i utvrdila da u ponudi ponuđača nije bilo računskih grešaka.

Komisija za javnu nabavku je, prema kriterijumu ekonomski najpovoljnija ponuda, sačinila rangiranje prihvatljivih ponuda kako slijedi:

R. br. na rang listi	Naziv i sjedište ponuđača	Ponuđeni popust	Podkriteriji koji se vrednuju unutar kriterija ekonomski najpovoljnija ponuda
1.	<b>Orbicode d. o. o. Musala 1, 71000 Sarajevo</b>	0,00 KM	<b>1. Cijena:</b> 154.000,00 KM bez PDV-a 26.180,00 PDV 180.180,00 KM sa PDV-om <b>2. Rok izvršenja:</b> 5 kalendarskih dana od dana potpisivanja ugovora

U Zapisniku Komisije je navedeno da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

U Tački 11. Zapisnika o pregledu i ocjeni ponuda, Komisija za javnu nabavku je konstatovala da je ponuđač Orbicode d. o. o. Musala 1, 71000 Sarajevo, u ponudi dostavio i ovjerene kopije svih dokaza o kvalificiranosti, traženih tačkom 13.1. i 13.3. Tenderske dokumentacije (dokazi navedeni u Tački 11. Zapisnika), pa je Komisija u skladu sa Tenderskom dokumentacijom konstatovala da ponuđač, nema obavezu naknadnog dostavljanja originala ili ovjerenih kopija traženih dokaza.

Komisija za provođenje postupka nabavke je dala preporuku rektoru Univerziteta u Sarajevu, da za nabavku Usluge Unapređenje integralnog informacionog sistema EMIS, donese odluku o izboru najpovoljnijeg ponuđača i dodjeli ugovor ponuđaču Orbicode d. o. o. Musala 1, 71000 Sarajevo, čija ponuda je, u skladu sa kriterijom ekonomski najpovoljnija ponuda, ocijenjena kao najpovoljnija sa ukupnom cijenom ponude od 154.000,00 KM bez PDV-a (slovima: jednatotinapedesetčetirihiljade KM i 00/100), što sa uračunatim PDV-om iznosi 180.180,00 KM sa PDV-om (slovima: jednatatinaosamdesethiljadaistotinuosamdeset KM i 00/100).

Iz gore navedenih razloga, primjenom člana 64. stav (1) tačka a) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

**Rektor**

**Prof. dr. Rifat Škrijelj**



#### **Dostaviti:**

1. Orbicode d. o. o. Musala 1, 71000 Sarajevo
2. Prorektor za finansije
3. Generalni sekretar
4. Služba za računovodstvo i finansije
5. Služba za javne nabavke
6. web stranica Univerziteta u Sarajevu
7. a/a

**Prilog:** Zapisnik o pregledu i ocjeni ponuda